

DIE VI. OCTOBRIS.

IN FESTO

SANCTAE MARIAE FRANCISCAE

A QUINQUE VULNERIBUS DOMINI NOSTRI JESU CHRISTI VIRGINI

Duplex Min.

Introitus. Gal. c. II. v. 19.

Christo confixus sum Cruci :
vivo autem jam non ego: vivit
vero in me Christus.

Psalm. 41. Quemadmodum
desiderat cervus ad fontes aqua-
rum; ita desiderat anima mea
ad te Deus. *ÿ. Glori Patri etc.*

Oratio

Deus , qui Beatam Mariam
Franciscam Virginem imaginis
Filii tui Crucifixi conformem
fieri voluisti ; ejus nobis meri-
tis et intercessione concede, ut
in eandem imaginem transfor-
mati in terris , glorificari cum
ipsa mereamur in cælis. Per
eundem etc.

*Lectio Libri Sapientiae.**Cant. 3. et 8.*

Surgam, et circuibo civitatem:
per vicos et plateas quaeram
quem diligit anima mea : quæ-

sivi illum, et non inveni. Inve-
nerunt me vigiles , qui custodiunt civitatem. Num quem diligit anima mea vidistis? Patululum cum pertransissem eo inveni quem diligit anima mea tenui eum, nec dimittam, donec introducam illum in domum matris meae, et in cubiculum genitricis meae. Adjuro vos, filii Jerusalem, per capreas cervosque camporum , ne suscitetis neque evigilare faciatis dilectam, donec ipsa velit. Pone nomen tuum super cor tuum ut signaculum super brachium tuum ; quia fortis est ut mori dilectio , dura sicut inferni æmulatio: lampades ejus, lampades ignis, atque flammarum Aquae multae non potuerunt extinguere charitatem , nec flamma obruent illam : si dederit homo omnem substantiam dimus suae pro dilectione, quam nihil despiciet eam.

Graduale. Psalm. 83. Caelum meum , et caro mea exultaverunt in Deum vivum.

ÿ. *Psalm. 72.* Quid enim mihi est in cœlo, et a te quid volui super terram? Defecit caro mea, et cor meum: Deus cordis mei, et pars mea Deus in æternum. Alleluja Alleluja.

ÿ. *Cant. c. V. v. 5.* Surrexi ut aperirem Dilecto meo: manus meæ stillaverunt myrrham, et digiti mei pleni myrrha probatissima. Alleluja.

*Post Septuagesimam, omis-
sis Allel. et ÿ. seq. dicitur sequ.*

Tractus Cant. c. VII. v. 10.
Ego dilecto meo, et ad me conversio ejus.

ÿ. *Cant. c. II. v. 4.* Introduxit me in cellam vinariam, ordinavit in me charitatem.

ÿ. *Cant. c. II. v. 5.* Fulcite me floribus, stipate me malis, quia amore langueo.

Tempore Pasch. Allel. Allel.

ÿ. Veni sponsa Christi, accipe coronam, quam tibi Dominus præparavit in æternum. Alleluja.

ÿ. *Psalm. 44.* Specie tua, et pulchritudine tua intende, prospere procede, et regna. Alleluja.

✠ *Sequentia sancti Evangelii
secundum Matthæum.
Matth. c. xxv.*

In illo tempore: Dixit Jesus discipulis suis parabolam hanc: Simile erit regnum cœlorum decem virginibus, quæ acci-

pientes lampades suas exierunt obviam sponso, et sponsæ. Quinque autem ex eis erant fatuæ, et quinque prudentes: sed quinque fatuæ, acceptis lampadibus, non sumpserunt oleum secum: prudentes vero acceperunt oleum in vasis suis cum lampadibus. Moram autem faciente sponso, dormitaverunt omnes et dormierunt. Media autem nocte clamor factus est: Ecce sponsus venit, exite obviam ei. Tunc surrexerunt omnes virgines illæ, et ornaverunt lampades suas. Fatuæ autem sapientibus dixerunt: Date nobis de oleo vestro; quia lampades nostræ extinguuntur. Responderunt prudentes, dicentes: Ne forte non sufficiat nobis et vobis, ite potius ad vendentes, et emite vobis. Dum autem irent emere, venit sponsus: et quæ paratæ erant intraverunt cum eo ad nuptias, et clausa est janua. Novissime vero veniunt et reliquæ virgines, dicentes: Domine, Domine, aperi nobis. At ille respondens, ait: Amen dico vobis, nescio vos. Vigilate itaque, quia nescitis diem, neque horam.

Offertorium. Hæc est virgo sapiens, quam Dominus vigilan-
tem invenit.

Secreta

Huic cælesti convivio fac nos, Domine, vigilantes in fide,

ac nuptiali charitatis veste indutos accumbere, qui Beatam Mariam Franciscam Virginem tuam et vigilantem invenisti, et venientem Tibi obviam cum lampadibus ad cælestes tuas nuptias assumpsisti. Qui vivis etc.

Communio. *Zach. 9.* Quid enim bonum ejus est, aut quid pulchrum ejus, nisi frumentum electorum, et vinum germinans virgines?

Postcommunio

Angelorum pane nutriti, supplices te, Domine, deprecamur, ut qui Beatam Mariam Franciscam Virginem tuam familiari Angelorum consuetudine decorasti; ipsius pia intercessionem, angelicis facias nos moribus vivere, et ab omnibus malorum spirituum insidiis liberari. Per Dominum etc.

NEAPOLITANA

Quam pietas erga Sanctam Mariam Franciscam a quinque Vulneribus Domini nostri Jesu Christi virginem non solum Neapolit., sed etiam in tota Neapolitana ditione maxime increbuerit postquam maioribus Cœlitum honoribus An. 1867, a Sanctissimo Dno Nostro Pio Papa IX. insignita ipse fuit, Eius et Rmus Dnus Cardinalis Xytus Riaro Sforzia Archiepiscopus Neapolitanus, nec non alii eiusdem ditionis Rmi Archiepiscopi et Episcopi ad satisfaciendum devotioni et votis populi sibi commissi eundem Sanctissimam Dominum Nostrum humilissime exoraverunt, ut praeferat Sanctae Festum in universo Neapolitano Regno sub ritu duplici maiori recoli valeat cum Officio iam adprobato, additis Oratione in Officio, et cum Missa integre propria, quarum approbationem modo petebant. Ipsorum autem preces relatæ quæ fuerint subsignata die in Ordinaria Sacrorum Rituum Comitibus ad Vaticanum habitis ab Emo et Rmo Domino Cardinali Joanne Baptista Pitta Ponente, Emi ac Rmi Dni Cardinales Sacris tuendis Ritibus præpositi rescripserunt: Pro gratia; sub ritu tamen duplici minoris, et ad Emum Ponentem cum Promotore Fidei.

Expleta autem per eundem Cardinalem Ponentem, et R. P. D. Petrum Minelli sanctae Fidei Promotorem requisita recessione, Sacra eadem Congregatio indulxit, ut Festum Sanctae Mariae Promissionis a quinque Vulneribus Dni Nostri Jesu Christi recoli valeat in universo Regno Neapolitano die VI. Octobris sub ritu duplici minori cum Officio in eiusdem Sanctae honorem approbato die 3. Septembris An. 1867, addita tamen in Officio supradicta Oratione propria, et cum Missa pariter propria, prout extat in Exemplari huius Decreto prævio. Servatis Rubricis. Die 4 Februarii 1871.

Adest Sigillum

C. Epus Ostien. et Veitern. Card. Patrius S. R. C. Praefectus,
D. Bartolini S. R. C. Secretarius.



V Aprilis

B: Julianae Vir: G. Nemp:
(Missa, Dilexisti)

~~Deus!~~

~~Deus humilium celsitudo, qui beatam Virginem
Julianam ad promovendum S. Sacramenti cultus
mirabiliter inflamasti: tribue qualesimus; ita nos
humilitatis ejus vestigia sectari in terris; ut cum ipsa
sublimari mereamur in coelis. Per Dominum.~~

DIE V APRILIS

IN FESTO

Beatae Julianae virginis sanctae
nuncupatae. — Suffragium —

— Omnia de Comm. Virg: praeter sequentia. —

Missa Dilexisti fol. xx

Critic

Deus humilium celsitudo, qui beatam Virginem
Julianam ad promovendum S. Sacramenti
cultum mirabiliter inflamasti: tribue qualesi-
mus, ita nos humilitatis ejus vestigia sectari in terris, ut
cum ipsa sublimari in coelis. Per Dominum nostrum